



## Protocol dalla radunonza generala

vendergis, ils 19 da schaner 2024, allas 19.00 uras

en l'aula dalla casa da scola Breil

### Tractandas

Beinvegni .....	2
Elecziun d'ina dumbravuschs.....	2
Prelecziun ed approbaziun dil protocol .....	2
Rapports annuals .....	2
Rapport dalla presidenta.....	2
Rapport dallas visitadras da nos seniors .....	3
Rendaquen, rapport dallas revisuras ed approbaziun.....	3
Program e cuors 2024 .....	3
Fixar la contribuziun annuala.....	4
Mutaziun da commembras .....	4
Varia.....	4
Segirtad da datas.....	4
Suprastonza KFG.....	4
Di d'oraziun mundiala, 1. da mars 2024 .....	4
Agid da far pettas.....	5
Acziun da pettas 20.7.2024 – fiera Pradas Resort.....	5
Album 'FAUSTA piuniera'.....	5
Fotografias da differentas occurenzas digl onn 2023.....	5
Homepage .....	5
Impuls Sur Sajan.....	5
Protocol a moda digitala .....	6
Engraziament.....	6



# CUMINONZA DA MUMMAS E DUNNAS BREIL

## Beinvegni

Allas 19.00 uras arva nossa presidenta Cornelia la radunonza generala e fa in cordial beinvegni allas 33 commembras presentas. In beinvegni special fa ella a nies plevon sur Sajan. 22 commembras han schau perstgisar e san buca prender part a nossa radunonza.

Igl invit alla radunonza generala cun menziun dil program embalont e la gliesta da tractandas ein vegni tarmess tier allas commembras per posta digitala (email e whatsapp) ed ein era stai publicai en differents loghens dil vitg. Plinavon ei la gliesta da tractandas stada publicada el «Fegl ufficial dalla Surselva».

Ei dat neginas menziuns tier la gliesta da tractandas - aschia vala quella sco approbada.

## Elecziun d'ina dumbravuschs

Sonja Tenner vegn elegida unanimamein sco dumbravuschs.

## Prelecziun ed approvaziun dil protocol

L'actuara prelegia il protocol dalla davosa radunonza generala. Ei dat neginas remarclas tier quel, aschia che tal vegn approbaus cun in engraziament all'actuara.

## Rapports annuals

### Rapport dalla presidenta

Nossa presidenta prelegia siu rapport annual. Ella lai reviver il curriu e passau duront igl onn. Enramont muossa ella pliras fotografias fatgas duront las differentas occurenzas.

La radunonza generala ha giu liug ils 24 da schaner 2023. Suenter la radunonza ha Michael Friberg orientau nus sur dil Project FAUSTA piuniera. Quei project ha lu aunc giu enqual effect sin nossa uniun duront igl onn 2023.

Nossa uniun ha surpriu il menaschi d'ustria duront las producziuns da FAUSTA piuniera. Las lavurs da preparaziun per tal project han entschiet gia duront il meins da fevrer ed ein vegnidas terminadas il december vargau. La FAUSTA piuniera ei stau in grondius project per nossa uniun. 53 commembras ein stadas involucadas ed han purschiu maun. Cun quei engaschi eis reussiu a nus da tgirar il spért da cuminonza exemplaricamein.

L'entschatta mars ha giu liug il di d'oraziun mundiala a Dardin.

Las rassas da Dumengialva ed ils costumes d'affons ein vegni reparti duront la primavera per las fiastas da Dumengialva, Sontgilcrest e Perdanonza.

La fin november ha giu liug il di da suppa cun la devoziun da S. Elisabeth.



## CUMINONZA DA MUMMAS E DUNNAS BREIL

Cuort suenter ha la surpastonza envidau nossas senioras e nos seniors ad ina sentupada d'advent. Nos seniors han astgau guder in suentermiezdi en cumpignia dils affons dalla scoletta da Breil cun giugs e cant.

Ils 13 da december ha giu liug il solver da Rorate.

L'acziun «Pigneuls dil vitg – CUMINONZA» ha remplazzau per l'emprema gada l'occurenza dallas finiastras d'advent. Il pigneuls sin plaz scola han fatg biala paretta ed han decorau nies vitg durant il temps d'advent.

La radunonza da vallada Cadi ha giu liug ils 12 da schaner 2024. Cornelia ed Angelina han representau nossa uniun.

Il program da cuors ei danovamein staus pulpius ed ha purschiu ina vasta schelta da cuors.

Nossas visitadras da seniors ein vegnidas menziunadas specialmein el rapport da nossa presidenta. Quei cun admetter in grond engraziament per lur engaschi.

### **Rapport dallas visitadras da nos seniors**

En num dalla gruppa da visitadras da seniors, ha nossa presidenta prelegiu lur rapport.

Nossas visitadras visetan nos seniors en la vegliadetgna da 80+ onns. Ellas han fatg 33 visetas en nies vitg ni en casa S. Martin a Trun.

Marianna Balett, Anna Cathomas e Cecilia Risch stattan vinavon a disposiziun per quella incarica.

### **Rendaquen, rapport dallas revisuras ed approbaziun**

Nossa cassiera Madlaina presenta e declara il quen.

Las revisuras Gabi Muoth ed Erna Cathomas han controllau il quen e fan la tscharna dad approbar tal. Il quen vegn approbaus unanimamein cun in applaus ed in engraziament alla cassiera Madlaina.

Nossa uniun ha entras la buna lavur en connex cul project FAUSTA pioniera fatg in bi gudogn. Il surpli d'entradas munta a frs. 10'847.57. Nossa facultad s'augmenta aschia a frs. 25'606.55.

### **Program e cuors 2024**

Corina presenta il program da cuors 2024. Ensemen cun las responsablas dallas uniuns da Dardin, Danis/Tavanasa ei inagada dapli vegniu creau in program da cuors fetg variont. Corina declara ils cuors e presenta entginas lavur.

Cornelia engrazia a Corina per la lavur prestada. Il program da cuors 2024 vegn approbaus cun applaus.



## Fixar la contribuziun annuala

Noss'annuala munta dapi igl onn 2015 a frs. 25.00. La suprastonza propona alla radunonza generala da schar tala taxa sco tochen dacheu. Las commembras presentas acceptan unanimamein la proposta.

## Mutaziun da commembras

Legreivlamein astga nossa presidenta Cornelia beneventar entginas commembras novas en nossa cuminonza. Lea Simeon, Laura Cathomas Panier e Martina Strauss vegnan pridadas si en nossa cuminonza cun in ferm applaus.

Flurina Cavegn-Tomaschett, Sandra Albin e Selina Lechmann giavischan muort nova dimora d'extrar da nossa cuminonza.

## Varia

### Segirtad da datas

Cornelia explichescha entgins puncts en connex cun l'instradada dalla nova lescha davart la protecziun da datas. Tala lescha vala dapi igl 1. da settember 2023. Finamira dalla lescha ei da proteger meglier las datas persunalas.

La lescha ha era consequenzas per nossa uniun e pretenda certas adattaziuns. La suprastonza sefatschenta dalla caussa. L'uniun cantunala ei momentan vid elavurar in model d'ina declaraziun da quella lescha da datas. Suenter haver obteniu la declaraziun, vegn tala publicada sin nossa pagina web.

Quella declaraziun vegn a cuntenter suandonts puncts:

- ina declaraziun generala digl intent da noss'uniun
- ina survesta dallas datas che vegnan presentadas (cuors, program annual, eav.)
- informaziuns pertuccont il dar vinavon las datas dallas commembras
- informaziuns pertuccont ina persuna da contact interna

### Suprastonza KFG

L'uniun cantunala KFG enquera vinavon consuprastontas. Nossa uniun ha gia giu pliras commembras en suprastonza cantunala. Cornelia motivescha da s'annunziar tier interess tier nossa suprastonza ni directamein tier la suprastonza cantunala.

### Di d'oraziun mundiala, 1. da mars 2024

Cornelia informescha che quella occurenza ha mintgamai liug en collaboraziun cun las uniuns da Danis/Tavanasa e Dardin. Lezzas uniuns tschentan mintgina ina persuna che



## CUMINONZA DA MUMMAS E DUNNAS BREIL

sengascha. Ei fuss bi, sch'era nossa uniun saves porscher maun e segidar da preparar la sera. Cornelia motivescha las commembras da far ponderaziuns e da s'annunziar tier ella, sch'igl interess da segidar ei avon maun.

### **Agid da far pettas**

Ensemen cul program da cuors digl onn ed il quen per l'annuala vegn uonn era reparti in talun per s'annunziar da gidar da far pettas per las differentas occurenzas.

### **Acziun da pettas 20.7.2024 – fiera Pradas Resort**

La sonda, ils 20 da fenadur 2024, organischescha l'uniun da mistergners dil Grischun ina fiera da mistergners sigl areal dil resort Pradas. La fiera ha liug dallas 10.00 entochen las 17.00 uras.

Dil comité d'organisaziun cun nossa commembra Isabella Cathomen vegn la damonda a nossa uniun per menar in stan da pettas. En surprastonza ei vegniu discussiunau. La damonda vegn aschia tschentada alla radunonza generala.

La radunonza generala decida cun 21 vuschs encunter 10 abstinenzas da menar atras quella occurenza.

### **Album 'FAUSTA piuniera'**

Il comité d'organisaziun da FAUSTA piuniera ha schenghegiu a nossa uniun in album cun ina biala rimnada da fotografias dil project dalla stad vargada.

### **Fotografias da differentas occurenzas digl onn 2023**

Duront igl apèro riche ed il concert da Tumasch è vegn projectau fotografias dallas occurenzas dil davos onn.

### **Homepage**

Nossa pagina d'internet vegn actualisada entras nossa commembra Erna Cathomas. Per siu engaschi e sia lavur vegn surdau ad ella in pign schenghetg.

### **Impuls Sur Sajan**

Sur Sajan engrazia pigl engaschi da nossa uniun. El fa igl avis sin in'occurenza che ha liug ils 25 da matg 2024 a Breil: "Indischer Tag mit indischer Messe und indischem Mittagessen in Brigels".



# CUMINONZA DA MUMMAS E DUNNAS BREIL

## Protocol a moda digitala

El futur vegn il protocol dalla radunonza generala tarmess tier a moda digitala allas commembras. Il di da radunonza generala stat il protocol era a disposiziun en scret per prender investa.

## Engraziament

Nossa presidenta engrazia a tuttas commembras per lur agid duront quei onn cun in intensiv program da lavur. Il spért da cuminonza ei aschia staus palpabels pliras gadas el decuors dil davos onn.

Uss suonda in bien apéro ed in concert cun Tumasch è, Thomas Cathomen, en accumpignament dad Ann Nielsen.

Cornelia terminescha la radunonza generala allas 20.05 uras cul suandont patratg:

*“Man ist nicht bloss ein einzelner Mensch, man gehört einem Ganzen an.”*